





## Curtine no ûl restà cun Bilun

(Seguit de l. pagine)

Fasse e di Fiemme e di Cembre, o pe Gardene. Chês forçis 'e restin sjaradis de nêf par plui di sis mès al an. Par vigni a Bilun 'e an i trenos che ju puàrtin in tun par d'oris. Nol impuarte: cuintri il lôr interes 'e an sietrût di là di chês altre bande.

A Curtine no son todeses, come che no son todeses in gran part chei dal Livinâl Lunc, nè chei de Val Gardene, nè chei de Gâdare; e ancjem mancul i Fassans; 'e son ladins. Cui dut ahest il Consej Comunâl a grande majoranze al à domandât di tornâ cun todeses daesins. E il moviment autonomistich « Zent Ladina » al ûl che si fazi un « referendum », sigôr che quatri mil dai cinc mil abitanz 'e son pa l'union cu la Region Trentine e Tirolese.

I cjadorins e i bilunês no ur àn mai fat nissune mulegrazie ai Curtinês: anzi 'e son lôr che mantegnin vive in buine misure l'ativitât turistiche di Curtine. Nol zove nuje: dal jugn dal an passât, un pat di union al lde i ladins Curtinês, cui ladins des Dolomitis, e cun chei 'a uelîn stâ.

A Vignesie, a Rome, in Italie, putros 'a mûstros di no capi, si smarvein, si domandûn cemût che li di jessi, 'a discedin di quintis colonis di austriacanz... Ma la vere reson di chest tradiment no uelîn viodile.

'E je tant clare. Restâ sot di Bilun al ûl di, pai Curtinês, restâ sot di Vignesie, sot l'Autonomie normâl de Region Venete, tes mans de burocrazie romane. Tornâ cun Trentin o cul Bas Tiroi al ûl di

## Il diaul e l'aghe sante cuintri un popol

I deputâz di Bilun, dal Venêt e un pês di chei furlans — socialise e democristians — 'e an mandât un telegram al President dal Consej cuintri il moviment autonomistich « Zent Ladina » di Curtine ch'al domande l'union di chei sit e di altris cu la Region Tridentine.

Ce valôr e ce significât puecial vè chest telegram? I curtinês 'e an fat cognossi il lôr pinsir: 'e son così sigûrs dal lôr fat, che an domandât anche un « referendum » populâr.

E alore ce democrazie ese chês dai deputâz bilunês che fevelin cuintri la volentât di une gruesse popolazion?

E ce jentrino i furlans in tune quistion che no ur interesse nè pœ nè trop? E massime chei furlans democristians che si son batûz pa l'Autonomie furlane?

Ah la pulitiche di partit, ce misterî intrigôs!

## Fraternitât

des popolazions ladins

In chês « dis » si è unit il prin Congres da l'Union dai Ladins, indula che jeria rappresentadis lis popolazions dai quatri cjanai: Gardene, Badie, Fasse e Livinâl-Lunc e chei di Curtine.

Tal comunicât aprovât dal Congres 'e je stade fate une declarazion di fealtât dai Ladins 'e republiche taliane e di fraternitât cu lis popolazions ladins dai Grisons e de Furlanie; e al è stât, anche domandât che il popol latin al vegni ricognossût come compless etnic par so cont, e ch'al sedi permetût di mantignî e svilupâ, mûdiand la radio e la scuele, la culture e la lenghe ladine.

Il Congres nus à mandât, anche a nò, une letare di solidaritât e di salûz, e noaltris 'o fasin publicamentri i nestris ringraziament, protestant la nestre union di spirt e di aspirazions cui fradis des Dolomitis e dal Cjanton dai Grisons.

Autonomie speciâl, al ûl di vè dafâ cun int serie e oneste e no cun camorisc 'e tabajôs d'ogni provenienza. Chei di Curtine no son di chei di Pordenon. Vincjcinque agn di sperienze sot la ministrazion taliane, dopo prove de l'autonomie che ur veve dade l'Austrie, ur an viarz i voi, e dai talians no si lassa plui menâ pal nas. Miôr stâ plui di mieze giornade par rivâ tai capelês de Region miôr vè tra miez lis murais spaventosis des Dolomitis, miôr restâ distaccâz par mès e mès de nef e dal frêt, che no sintisi messedâ atôr da prefet, da questôrs da parons d'ogni gjenar rivâz sù de peniarle.

Lassâ no je quistion di comunitât, di vantaz economiche, di situazion geografiche e, salacôr, nancje tant di lenghe; 'e je quistion di un fregul di libertât, di podê tirâ fîl, di jessi parons in cjase lôr. Il stomi plen di fote cuintri la pulitiche romane: eco ce che an.

## Muerial o vivial?

## Il Comitât provincziâl pa l'Autonomie al fâs savê ch'al à finît e che nol à finît

'O sin masse ignoranz dal « zero » gjournalistich par capi il significât têt di un comunicât che i sfuejs di chei « e an publicât chês » dîs.

Si trate di chei dal Comitât Provincziâl pe Region Furlane — i autonomistich di diestre, al signares a stâj — che an fate une reunion te Cjamarie di Cumiarz, par dîsi un cul altri che il lôr lavor al è finît. (Chi si contenta gode, 'e dîs i talians). Parâtri ur è vîgnût tai cîf, sul plui biel, di no vè finît. E cûl al scomence il misterî. Chei sîors 'e an « ravisato l'opportunitât » di meti in plis un altri comitât regionâl — 'e saran plui o mancul chei stes componenz cun di plui Pinassi e Magliarella — par studiâ, dacordo coi gurizans, il gnûf Statût de Region furlane. Une des dôs: o che il Comitât in pœnule al à finît il so dafâ, cu la panadute de l'autonomie normâl — auspice Lici — e alore no

## Lis scuêlis sclavis te provincie di Gurizze

Secondune statistiche precise de « Slovenska Demokratska Zveza » in chel bocœn de Provincie di Gurizze ch'al è restât sot da l'Italie, 'e son quatri scuêlis secundaris sclavis (une scuêla di Aviamet, une Medie, un Tinas-Liceo classic e un Istitut Magistral) cun 385 scolaris; e vine scuêlis primaris calculant anche il distret di Montebelluna cun 1588 scolaris: in ôut quasi doi mil e quatri cent scuêlars di lenghe slave.

'E son numars che justificin l'esistence des scuêlis sclavis. A rate purizion, la vecje Sclavanie, cun 40.000 animis 'e vares di vè almancoi 10.000 scolaris: ma chei no son sclâs!

sion aleade 'e vœve puarlât, de sô iuchieste in Friûl, un grum di materidj par decidî intôr dai gnûs cunfins tra Italie e Jugoslavia, e che la finie francese proponude e azetade 'e je, pœc sù pœc jù, identiche a un clichê stampât tal tuestri sfuei, juste in chês volte.

'E jo anzi M.me Cambrogn, componet de Comission francese, che presentâ al Ministre Bidault la tuestre Patrie dal Friûl. Chêsche 'e je aghe che no torne plui te muelc; ma se ûs pussibilitât dai furlans di jiarâ di man alc a Rome 'e sen caladis, nol sî di che no nus restin ancjemû an grum di briscu: sî tai mœ.

La quistion furlane, par vie dal

tratât di pês, 'e po' vigni simpri trasportade sun tun plan internazional, e invezit che a Rome si pœ anche lû a l'O.N.U. Ce ch'al impuarte al è di no permeti che si fâsi confusioin tra Friûl e Vignesie Julie, parêche chêsche 'e je une arme cuintri des nestris aspirazions, fute a pueste par imberdeâ li azze. Ce ch'al covente principamentri al è: union, decision, latitiche inteligente, miez finanziariis e tignî a mens simpri che il talian al è mestri tal prompti e vemenâ la gosc. E jo tan 'che furlan, us doi un consci: dail dentri furtromal ch'o scis a bon.

M. F.

## DOPO TRENT'AGN

## La muart dal "CORRIERE DEL FRIULI,"

Il 21 di avost dal 1917 il sfuej clericâl « Corriere del Friuli » al publicave in tiazze pagine e cence nissun rilef tipografic — anzi cun tun biel grum di sbaljos di stampe — un articul di pre' Guliemo Gasparut (Max), cul titul: « La parola... alle trincee ».

Pôs dîs prime il pape Benedet XV al veve mandât un invît es nazions che jerin in uero, par che cirissin d'intindisj e di finile, e la stampe internazional 'e veve sejadeneade une tempieste di rispuestis, ce pro ce cuintri lis peraulis dal pape. I nestris sfuejs di provincie 'e stavin cidins; nome il « Corriere del Friuli » al ripuartave in chei dîs paginis intieris di comeuz, cun grandis busis di « censure ». Tra i plui invelegnâz al jere il gjournalist Mussolini, interventist e anticlericâl rabid.

L'articul di Max nol jere un spiel di abilitât polemiche: butât jù in premure, salacôr sot pressioin (si viôt che no jere nancje stade corezude la bozze) o sot l'esaltazion di une idêe che pareve original e coraggjose, no la sfrutave ben « al molve qualchi pœnule pœc misurade che, evidentementri, 'e tradive il pinsir. Ma, in sostanze, al disave une cjose avonde resonade, clare e democratiche: prime di rifadâ l'invît dal pape si gares vût di pensâ anche a chei puars biûz che da doîre agn a' fradessevin tes trincee, cence nissun risultât pusitîf. L'articulist la veve fiasse plui di dut cun Mussolini e cui politicanz, nostrans e foresc', che fassevin la uero sot la nape.

La « censure », (ch'al ven « jessi un tencutin ch'al doprave lis fuarlis cemût ch'al oleve) 'e perseguitave il sfuej clericâl e in chês di 'e veve butât te cassele dal plomp un articul di dôs miezis colonis de prime pagjine, lassant nome il titul: Dopo la nota del Papa; ma no veve cjetât nuje ce di sul cont dal traffiet di Max.

Di chei articul al murl il « Corriere del Friuli ». Chel dal 21 di avost al fo il sô ultin numar. Sequestrât il numar, suspindût e sconfessât da l'autoritât ecclesiastiche il sfuej, internât di colp a Firenze il diretôr pre' Gabriel Paganj cul autôr Gasparut, e pês dîs dopo metûz due i doi in prezon par « subornazion al tradiment »: na mœa e miez plui indegnant i doi predis incriminâz 'e vengvin processâz dal tribunâl militâr di Codroip. Assoluzione « per non provata reità »! Cui grande maravêe e fote dai iredentis « di chenti e dai interventis » di dute l'Italie.

Dai nestris gjournal, nome « La Patria del Friuli » di sîôr Menj Del Bianco si mostrâ quilibriade e comprensive, vadi par lî dispiet al ambien clericâl che al prin moment si jerin mostrâz disdegnâz, ma dopo la condane vignude di Rome 'e vevin scuviartis un grum di pœcis e di tristieris tai redatôrs dal « Corriere ».

Doi mœa dopo 'e rivave la rispueste des trincee: Cjaurêt.

Curiose la storie, a leile trent'agn dopo!

## Aghe che no torne te muele

## I furlans 'e an piardudis des buinis ocasions

Nus è capitade chêsche jentre cun prejeo di publicâle.

Tal n. 31 dal tuestri sfuei al è stât publicât un articul di fons indula che si tratave di ce che si zares di fâ par otignî une autonomie real tol cûs che Rome nus 'e dîzeas.

Lassadis di bande lûs idêis di violenze — o vês scrit — 'e restarês une fuarze legâl, une arme pui tremende che no lis esplensins dai ateuiz, che in fin dai conz 'e farsissin mûl anche a nò.

Chestes fuarzes legâl 'e saris in coaltion dal compless autonomistich, al ven a staj la sincronizzazion a traziârs la federazion de int alpine formade de Ligarie Intimele, de Val d'Aoste, de Valteline, dal Trentin, dal Tiroi, dal Friûl e de Sclavanie: un bloc di misure cussî gruesse, che podarês interessâ il rumi di un grum di funzionaris de camore romane.

Ma in chêsche propueste inteligente, mi pâr ch'o vês dismenteât di zontâ altri cumbinazions particulârs. Par esempli chês de situazion speciâl dal Friûl, par jessâ di ce che plui nus interesse. Nò 'o sin in realtà la uniche regjon sot l'Italie indula che si fevelin quatri lenghis: o via un dai doi cîntfins ch'al crêe situazions

delicadis e che al merite des cunsiderazions particulârs. Us al dîs anche parê ch'o ai tude la fortune di cjacasâ cun tun iurian aronde indettri tal cjaderon di Rome, che mi à spjegadis un grum di rebutis che, in stree, 'o ripuarti cûl.

I Furlans jintrin al 15/04/47 'e an giolât di cumbinazions straordinaris: ocupazion dal A.M.G., contestazions terrioris e raziâis di puartade decisive pe nestre lavre, che zarès podût vè un distinzion core diferent, tant di rindi ridicule ogni concession di Rome, che in ciars moment 'e zarès molât altri che l'autonomie speciâl. Mi ricuardi des preoccupazions al Ministeri dai Esteros pe sorte dal Friûl e conferenze di Parigi. Al sarès bastât in chês volte qualchi pizzul morment di indipendentisim, anche cence nê a l'applicazion dai miez doprâz dai sicilians, a un sclaviment de situazin nestre, dopo, a la taule dal Luxembourg de bande di une comission furlane, par proponi e vadi par otignî in chel moment la trasformazion dal Friûl in tun stât independent tipo Svizzare. Ma i furlans 'e an durmît: 'e an il vizi di durmî simpri tal moment bon.

Nol è un segret che la cumis-

# VITRUM

## DI M. MARTINI

UDIN - Piazza S. Iacum - UDIN

Il plui grant dipuesit

di porcelanis, vers e creps.

Dut ce ch'al covente in tune cjase

tant sclete come di lusso

## Furlans!

# BIRE MORET



# Scûr e lusôr

(Liende)

E jo us contarai la liende dal pitôr ch'al veve i voi distudâ. Parcè che qualche volte al sozzel cussì: al poete si sinamîs il cerviel, e nol sa plui doprâ lis peraulis; al musicant si sturnis sin lis orellis, e nol pò plui scoltâ il sun des sôs notis; al pitôr si crevin lis gjumbis che lu pauravin a cîrî.

A chel pitôr i voi si jerin distudâ: a semeavin dôs lampululis di cristâl zelesin, cence parer. E al oleve piturâ une Madone che j'aveve dentri come un sim: une Madone dolce e lusôruse, di mêtile in tune glesieule insomp di une mont.

Il pitôr al jere a stâ in tune cjase rimite, cun tune mussarie vicle che lave indenant e indaur cence fâsi sintî, cussì a plachin pur no che si dismovers tal fantat la brume di lâ alôr e di scontrâsi cu lis robis. 'E fevelave pœ par no viârzi la l'anime la voc di jessi cu la int.

Al pareve che dut al durmisse cjase dal pitôr. Alôr ucci, grû e rialis a revin un cjantl strimil.

Ma lui al jere simpri dismot; plui dismot che mai in chel tasê des creaturis. Lui al jere plui vif di dut, in chel mont distudâ, cûi siei voi distudâ: vif, di no sintî la corse dal timp ch'al restave come bevât da chel torment simpri compagn, to gnot dal om che nol sperave plui lûs.

Al veve di piturâ une Madone par une glesie pojade insomp di une mont.

Cu lis mans imbrunidis e lis spulis inrosadis, il pitôr s'e cjulare vivi dentri. Po' al si drezave sù, al si distirave come une cuarte di violin, al maladre — cu la bocje — il Signôr che j'aveve distudâ: i voi prime ch'al vès podât butâ jù su la brêe la muse de sô Madone.

In chel gnot il pitôr nol jere bon di durmî. I glons di dutis lis cjampunis des vilis a svolavin pal ajor gluzâl: ogni glon al jere un sprisal, un sburt. Al pareve che lu sefassassin cu e là, cence pudî; e al crustave i dine, al strencere lis mans, al clamave la muar!

Po' al sintî un tue te parlar.

— La muar!

Un altri tue: e une vôs:

— Viârzi, creature di Dio.

— Cui sestu?

— Viârzi, ch'o polsi.

Pols! Qualchidun al sperave di polsi in chel gnot spiritalde.

Il pitôr al si movê.

'E jere une femine zovine le vôs e strache tal pàs. Si sentî su la baneje dongje il fûc, denant dal pitôr. 'E veve di jessi plene di frêt, e chel so frimâ come un fros di jarbe al culmave la tempieste dal om, che nol olsave nancje fevelâ.

Dopo un piezzut al tirâ fâr une vôs risine:

— Astu fan? Cjòliti tal armâr, là.

Al la sintî movisi, cjoli, glatt.

— Cui sestu, che tu vês bessole di gnot?

— 'O ven di london.

— Ma cui sestu?

— 'O ai un fi ch'al à di nassi. E tu ce astu?

— Po' ne viodistu, femine?

— Ti viod. Tu às l'anime in-

glaviade. Ma sint ce dancis di

cjampanis. Sclarissili, creatu-

re, che je la gnot di Diu che-

ste chi.

Il pitôr al si tirâ dut don-

gje di jè: j'aveve fûc pai gnar;

al oleve cjapâle, chel femine che

j'aveve indiment lis cjampunis,

e strêncij i braci fin che si cro-

vassin, par rompi cuintri di jè

il disdèn.

E invezzi j'aveve sù un grop

di lagrimis. Al tucc a vâl e a

contâ: i siei voi distudâ, la sô

Madone che no sarès mai nas-

sude.

Alôr jè 'e pojà il cjâf tes

mans di lui: intôr al s'impia

dut un mâr di lûs e i voi dal

pitôr s'illumînarin.

Come insupilil, al dismon-

tâ de baneje, al brinâ tal cjan-

ton i pinci e la breule, al mes-

sedâ i colôrs: su la brêe 'e nas-

sê la Madone dolce e lusôruse,

come ch'al la veve bramade.

Po' al colû indarmidît. La Pi-

ligrine la lassâ di te stanziute

ancjemò ineade te sô lûs.

Biel durmint il pitôr al la

riodece movi i pàs stracs vie

pe strade, cûi su fralin platât.

'E tornave, le gnot di Nadâl,

a pojà tal mont.

N. A. CJANTARUTE

Dopo de liberazion, milieu che la buere 'e je un freghenit mudsde, 'e son comparî, cu e la pes regions talianis (in Piemont, in Sicilie, in Sardegna, e cet.) diviers stuns scriz dal dut o in part, in d'aleit. Ma 'e son due, di caratu letari: 'e publichin puiisuris, mentis, lujuris. Nissun che al vebi cûi di trê quistis pulitichis, storichis, economichis, artisticis.

Ancje i stujis indipendentis 'o autonomis 'e son scriv par talian to par todesco o par frances a par scilâ.

Nome «Patrie dal Friul» 'e à podât gjavâsi dal msc e mostrâ praticament che par furian si po' trê di dut e scrivi di dut, paroe che il furian nol è un dialet talian, ma une lenghe par so cont: e, se si fîl, al pò in qualunque moment jessi doprât come un'altra lenghe, in ogni maniere.

## Il "Strolic dal '48,"

Mai plui tant grues di chest an il lunari de Filologiche! Cent e dis-sevot paginis di test: paginis fisis di puiis, di contis, di cjantis, di pipins, cun firmis vieris e gnovis, di vis e di defanz, di vizins e di lontans.

Dutis lis vês de Furlanie, chês di miez e chês sul ôr, chês da l'alte a chês de Basse, chês puris e chês bastardis 'e fasin, là dentri, une musiche gustose.

Ma i nestris amis de Filologiche no s'e varam par mât — che za lu san — se noaltris 'o viodin il «Corantevot», (che il Strolic dal '48 al fîl ricuardâ) sot di une lûs imfregul diferente: salacôr sot di une lûs plui juste storicamentri, e plui vîzine al vèr pinsîr di chei nestris vons che in chel an 'e sintirin il ghiti di movisi e di batisi. Al jere l'ideâl federalistic di Gioberti che ju esaltave; e se vessin podut indivinâ cemmât che sarès stade cuscide dongje, disevot agu dopo, l'Italie, «si o no che si saressin scjaldât tant il fiât.

La storie di chei dis e di chel cjoche patriotiche 'e je stade falsade e sfrutade cun pocje onestât da chei che son vignûz dopo; e noaltris 'o disin ai nazionalis 'e ai unitaris sul stamp di Nitti, che lôr no an dirît di fâsi bie di cheste ricorinze, ne di cjapâ l'iniziativa e la direzion des celebracions di chest an cu ven. Il Corantevot al è cuintri di lôr.

## Domenie di sere sul tram...

Se un distin ledrôs us oblee a montâ sun tun tram l'indomene di sere, 'e je l'uniche ch'o parais jù, prin, pal ghitudôr un biel be câ di chel lavum che ma dâ di bevi i ustirs: mome cussì 'o sareis avonde imbarluniz par no sinti e no viodi ben ce ch'al pò capitâ.

'O dis pardabon. Chel altre sere mi à tocjât a mi.

L'ultin tram de domenie al è piês di une staler: un cjôt. Une sejarone penze e stomeose di scussis di baggi e di mandarin, di cjartis, di cjehis, di sbledas e di ale altri sul paviment; une mandrie di cjocs e di vergjuels che sberghelin, che uclis, che cjantîn di gjal, che ragnin, che blestemin, su lis sentis: un campionari di umanità, ch'al fâs pensâ cun tun fregul di simpatie al inventôr de bombe atomiche.

Vie paj cjamp ingrisigniz e invuluzzâ in tun vèl di fumate, il tram al pâr une raje fosforescente; ma al puarte aôr sdrondeant une cjame di scovazzis rivis in fermentazion. Ogni tant al si ferme dongje une borgade o denant di une ostarie, e un'altra forcejade di chest sejarum 'e rive dentri a cressi il bordel e la spuzze.

Chel altre sere mi à tocjât a mi.

'O vebi due! i miei sintimentz in regule, e un freghenit di lune par travîrs, parvie di une robine che mi jere lade strace: nainis po', ma chel ch'al bastave par no vè nasse voc di fois.

'O vebi scugnât cjapâ l'ultime corse par tornâ a cjase. Mi jeri sentî in tun cjantonât dal ultin vagon ch'al jere squasi nêit, e tirât daûr di un giornalon, par che nissun mi vès rotis lis merindis.

Ma dopo un pâr di fermativis 'o andi vevi fin aûl dai voj. 'E jere montade sù, prin la solite sdrume di matarans — jôhi ce simpatics! — che ti sbregavin lis orellis uriant cence fin: la Svizzera, la Svizzera, la Svizzera...; e dopo, un miez ploton di soldâz quasi duc in bale.

Siamo sempre all'altessa della situazione! — al sberlave un di lôr, ogni doi minûz. La cjoche par furlau si clame cotulescôr e no situazione. Chest biel temul, cu la muse nere e lustre, cûi flât penz e cu la lenghe leade, al clopave tan che un banducci anche stant sentât. Ma nol stave trop sentât, chel mialî; al lave a discori cun duc' chei che jerin sul tram. Al spiegave che lui al jere di Milan, e se no tu spessaveis a di di

si, al ti gumitave fûr un grum di peraulatis.

— Siamo all'altessa della situazione. Ta ghet mia na sigareta, di vocal? — mi domandâ.

— Brianzûl da l'alte — 'o pensaj (ch'o soi avonde pratic di dialet lombard). E 'o alzai il giornâl, denant de muse cence dâj seont.

Al tacâ a cjantâ in pls, tal mîez, cun tune vôs di crêt inemorât che faseve la biele voc. E ce rapodie! Al scomenzave une cjante di chês vecjs di casarme, (che mi ven riviel nome a impensimi, cun tante nae ch'o âj mangjate), e dopo quatru peraulis, si piardere di strade e an' tacave un'altra di chês napoletanis. Un supljî.

Po' al tombolâ su lis scussis di buerie; al jerv sù e al si butâ daprîf di une manzete che scomenzâ a scriulâ. Chei dai biliez j' molâ un sburton e lu mandâ scrufujât tun cjanton.

Siamo all'altessa della situazione — dissal, tornant a jerv. Al tacâ barufe cun tun altri soldât e, tra un e l'altri, al devenzâ dut un infâr di bocjate e d'insolenzis.

'O scjampai fûr, ingomeât, su in planteforme di daûr; 'o stiarai la puarte. 'E jere una zime, che jen-

trave sponzint fin tai ues, là diffûr: ma il sdrondeât di dute chel feraze al lave parsore des bocje di chei didentri.

Un moment dopo, chel dai biliez, al tirâ la puarte e al mi sburtâ fûr cun malegrazie il brianzûl. Dentri 'e seguitavin a sberlâ duc'.

Il cjoc si pojà, cujet, cu lis spalîs cuintri il stramiez.

— Insci, ta vover mia dam stu sigareta — al mi dis, cu la vôs rauche. Il tram si fermave denant di un caselut.

— Sûbet! — 'o rispuindei: E, come s'o vès vût di dismontâ 'o alzai sù chel afêr che si siare parsore i scjalins. Po' 'o passai di là dal cjoc, mi metei di flanc, cu la schene cuintri la puarte e 'o tirai fûr i sigarez.

Il tram, cun tun scjassût al s'invia plachin. 'O molaj un biel sburton pe spale al soldât.

Cun quatru marcolis al rivâ da fonz dal fossâl ch'al jere di sot dal caselut: e il tal scûr e tal pantan, intant che il tram al cjapave la scorse, lu sintî ancjemò a eberlâ.

— Siamo all'altessa della situazione.

FIRLI

## LA "VIA ANNIA," e l' "Anfiteatro," di Aquilèe

Il prof. Tite Brusin a l'fâs savê (v. «Gazzettino» dal 16 di chest mès: che un timp 'e son vignûz fûr, dongje Tôr di Zuin, doi tocs di piera cun tune iscrizion dalâ che si ferele di lavôrs faz fâ dal imperadôr Massimin anche su la «via Annia».

Cheste strade, par tant che si pò savê, 'e meteve in comunicazion Aquilèe cu l'Italie di miez, come che la «Gemina» la unive cu l'Alte, fîntremai a Gjemue. No si sa ben par dutâ che passave, ma dal sigûr 'e tocjave Padue, Altin e Concordie: ca e là al è stât scrivât anche qualche boccon dal pedrât e qualche piera miliâr. Si pò crodi che sedj stade viarte par ordin di chel «Annus» ch'al jere consul dal 153 p. d. C. Da dôs lapidis cjatadis a Aquilèe tal secul passât, si rigjave che plui di une volte cheste strade 'e veve vude bisugne di lavôrs, parvie che lis aghis dai paliz — vie pe Basse —

j'avin parsore; anzi un imperadôr pini tart di Massimin al à di vè scugnât alzâ il nivêl par no che l'aghe la inondâz.

L'ultime iscrizion, cjatade a Tôr di Zuin, 'e fâs capi che Massimin al à di vè fat sudâ i legionaris reclutâz in chese pais a dâj sot di pale a picos, par sistemâ tre grandis stradis: la «Gemina», la «Annia» e, par tant che si pò scrupulâ, la «Julia Augusta», che passant par Trevesin, Glemone e Zui 'e quartave in Carintie.

Daûr di ce ch'al a riferit il stes prof. Brusin, ju tune reunion de Associazion Nazionâl par Aquilèe, i lavôrs di sterament intôr dal anfiteatro aquilèes, no an dât, fîntremai cumò, risultâz di siorie e nol è trop di sperâ che vebin di puartant in seguit: 'e larin indenant istes, anche parvie de disocupazion, cu la speranze che almanc alc di bon al vebi di saltâ fûr.

## Latin o Sclaf?

# TREP

In chese' dis al è saltât fûr un guûf librât di Anute Fabris: «Trâpulis: truc in t'une butade — Ambulatori in vile: truc in t'une butade». Si trate di dos comedietis, che si lèin cun gran plasê e che duc', dât il bon presît de publicazion, e' faressin ben a comprâ.

Mi à anche plasût, su la cuviarte dal librût, la indicazion de stamparie: «Libri stampât in te tipografie clamade Arti Grafiche Friulane in Udin, vie Trep». Ma jo, ch'o voi simpri a cîrî il pèl tai fû, mi permet di osservâ che chel «vie Trep» noi è propit just: noi è atri che la traduzion letêrâl dal talian «via Treppo», che la nestre Amministrazion Comunâl, par fâ plasê a la burocrazie romane, 'e à mitât fûr 'tor dal '70, fasint scomparî lis vecjs denominacions di «borgo, contrada, calle, e cet.», che si 'erin usadis seculi indaur, e sostituîlis cun «via» e «vicolo». Duncje, la forme furlane par «via Treppo» 'e jè «borc di Trep» («Borgo di Treppo» des vecjs cjartis), indulâ che la vôs «borc», in urigjue, no voleve il «vie», ma «borgade, vile, viluzze». Difât, une volte, Borc di Trep al cjapave dentri no dome il trat di strade indulâ che cumò 'o vin il Tribunâl, la «Buine Vît», la Dimessis, e cet., ma anche il borc di Tomadin, la contrade dal Sbrissai e altris straduzis. In secont jûc bisugne anche tignî a mens che in furlan no si pò lassâ fûr chel «di», come in talian: Mont di Crês, Monte Croce; Bor' d'Olee, via Aquileia (Borgo di Aquileia). Cui chest no vûel di che no si puedi anche scurtâ e di «in Trep», come che si dis «in Grezzan», «in Marçatvieri», «in Cisis», «in Cortazzis», e vie discorint.

Ma la osservazion plui curiose 'e sarès cheste: Suponint che Trep al vûeli di «stradele, troi, viurze» (cheste 'e jè l'opinon di quasi duc' i studiôs), scrivint «vie Trep» si vignarès a creâ une ripetizion o tautologie, come che la clâmin tes scuells, a someanze di Mongibèi, Lago Jèzero, Sella Prevale, che valin lostès che «montagn-montagne», «lât-lât», «asielesiele», e cet.

La peraula trep si cjate usade a Cividât, dal Quatricent:

1436. «In Grupiguan. Driuz fiol di Denel Farino mulinar ten la prayda chu (lassâ) Martin mulinar de tij campi computâ lu trep che ya atorno. (Bibl. Com. di Udin, ms 1369IV, c. 25).

1464. «Li campi di Sepân sono cercha campi li 1/2 cun li trepi atorno e uno prat che Conc...» (ibid. Rot. Brandis, c. 80).

1494. «(In Togliano). Item unum campum cum treppo in Greuza iuxta Bertolum et iuxta viam publicam». (ibid., ms. 1366-XIII-3, c. 13).

1497. Togliano. «Erano andate in ruina do piante nel trepo over la zoia dintorno» (ibid., Conv. di S. Domenico, catast. II, c. 172).

In chest ultin manoscrit 'o âi anche cjatât, sot la vile di Cneste, la espression Trep pocelo, che no sai propit ce ch'al vûeli di, e chest pàs: «item ex treppo braide apud domum habet sectores tres». E, in te vile di Oculis (an 1506), che

(e va indenant in 4. pagine)



Parcè ch'ò domandin la proprietât del aghis

# Lis grandis aziendis idroelettriche e il Trentin

I autonomis trentins valdostans e valtellins si bân cum dutis lis fuarçis par giavâ di man al guviâr centrâl la proprietât des aghis e il drit di legislazion su l'industrie idroelettriche. Ance chei furians 'e intindin tignî d'ôr sul chel cantin.

Putros 'a pensarau che si fassussu nome par reons di solidaritât, une volte che des nestris handis ch'è industrie no à ancjemò un svilup e une impuartanze tant fuarte. Ma, in vin za dît altris voltis, no si trate di uè, si trate plui di dut di doman.

Une des causis plui grandis de campagne cuntri lis autonomis — cu la scuse de sacre unitât — 'e 'e propri chesto: Binaudi lu à lassât capî avonde ben.

Par rindisi cont de quistion 'e baste dade une voglade al memoriâl che i autonomis trentins da l'A.S.A.R. 'e an presentât a Rome, («La nostra Autonomia», 9 di dicembre). In sostanza si tratares di chest: lis grandis aziendis capitalistiche (Adriatiche, Edison, Montecatini e cet.) 'e uellin mantignî il lôr control monopolistic su dute la produzion eletriche, par mescolâ secont che ur torne cont; par chel, bisugne impedî ogni iniziativa local che podares fâ nassi concorsis periculusis, e ogni ingjerence regional che podares creâr herdêa. Duc' i azionis di chestis aziendis 'e duc' chei che son peâr dapri di lâr par vie di qualchi interes, 'e son mobilitâz cuntri lis autonomis specialis, che domandin la proprietât des aghis.

Ge àno fat lis grandis aziendis talianis, in Trentin, sot dal guviâr fascist? Sot da l'Austria lis aghis publicis no jerin mai stadis in man dal Stât, e tra ditis privadis o tra Cumons, si jerin formâz passe setante Consorziis che revin creât e svilupât i lôr impianti pe produzion di fuarce eletriche. Cul jutori dal guviâr, lis aziendis capitalistiche, 'e scjafôrâin e fermârin dutis lis iniziative localis. La S.E.T., Societât Anonime Trentina, a vît il so dâl a tignî d'ôr cuntri il centro e il prefet, che elevin fâj zedî il pachet des sê azions a l'Edison e a l'Adriatiche: se no fos nasude une insurezion gjenerâl a Trent, 'e vares scugnûf mola. Dal 1931, Roveret e Riva 'e stavin fabricant une grande centrâl cu l'aghe dal lât di Ledri: 'e veriv za spindût 125 millions, ur in coventavin altris dodis; il guviâr dopo parît vie il podestât di Roveret, al obblâ i Cumons a vendi dut l'impiant 'e Societât Ponale (Edison e Adriatiche) che sbregâ duc' i contraz di lavôr dai dirigents e fu lioridâ. I Cumons de Valade dal Sarca, dal 1920-21, 'e domandarin la concession par sfrutâ ch'è aghe, implantant siet centrâls; lis autorizâz 'e tirâr in lunc fin che la Edison 'e rivâ adora di cjapâle jê, la concession, prometint bêt a lavôr a dute la valade: in vinc' agn no à fat un colp, e cumò che la Region 'e reclame la proprietât des aghis 'e a spessât a meti sâ une Societât «Sarca-Molveno» in union cu l'Adriatiche (98% dal capital) par fâ un implant ch'al varès di costâ 35 miliard: al ven a stâj che i lavôrs 'e son za scomenzâz da qualchi mès impiegnant qualchi do-

zene di operaris! Cussî par vinc' agn l'aghe de Sarca 'e à corât dibant, e cui sa cetant che corarâ ancjemò, parcè che lis grandis aziendis un an interes a fâsi autoconcorinze. Cumò, chest grant progjet al cjaparès dentri ançe lis centrâls de zitât di Trent su la Sarca, che vignarèsin dismantadis e la zitât 'e otignarès in cambiò une part des azions di un altri implant a Ora, passant sot il control dai «leons». La Montecatini 'e sta lavorant par fâ un'altra centrâl grandiose in Val Venoste, disore Meran, cu capital Sviizzar ch'al vignarâ pajât midiant tante fuarce eletriche che sarâ mandade là. Ma cuntri i autonomis che domandin la proprietât regional

des aghis, si tire fîr la scuse che la Region 'e podares mandâ la fuarce di là dai cunfins, se comandâs jê!

Eco lis lidris des idealizâz patriotichis e unitaris propugnâdis dai antiautonomis.

Chestes politiche, che incjadene il Trentin, 'e je za in viaz ançe pal Friul e doman 'e tignarâ incjadendâs ançe lis risorsis e lis pussibilitâz e lis iniziative consorziâls o cooperativis che podarèsin nassi e svilupâsi su lis nestris aghis. E alore no je nome quistion di solidaritât fra movimezz autonomistics, la difese dal patrimoni des aghis: 'e je quistion di interes nestri, des nestris industris, dal nestri doman.

## TREP

(seguit de 3. pagin)

stis peraulis: «ha intorno treppo e remis».

Si tratal, duncje, di «tre» (il gnûf Pirone, a chest proposit al fâs qualchi risiarve), o di ce si tratal? L'opinon dal cont Puarte («fascia erbosa o genericamente prato», *Topon. Ud.*, p. 236) mi somearès contrastâ cu l'ultin epli, se par remis 'o intindin «orti di camp o di prât». Ad ogni mêt, sui quatri prips documenz ch'ò à ricuardât, and'è tre che fevelin di trep ch'al «zire alôr». Se si trate, duncje, d'un «tre» a stradonun, nol sarès un semplicis tre, ma un tre di forme particolâr. (Si podarès ançe pensâ a une cise o ad un riu). Interessant, po dopo, il document dal 1497, indolâ che zoia («ghirlande») al doverès jessi la stesse ciosse di trep (1).

Trep al manje tal Ducange (Paris, 1840-50) e al manje ançe tal Glossari di Pieri Sella (Cittât dal Vatican, 1944). L'etimologie ormai acetade dai linguisi 'e jê ch'è ch'al d'è l'Ascoli (Arch. Glott., IV, 341): *trivium*. Però, s'ò in tal camp de toponomastiche, 'o à une pûre malandrete che no duc' i nestris Trep e' derivin dal latine: va ben che un Trep si cjate a sî sul lât di Garde (Atti Acc. Verona, 1920) e che i Treppi e' son ançe in Toscana (S. Costantini); ma bisugne curvignî che doi Zatrepi (za al fî di dâd) e' son tal Crain: un des bandis di Kamnik (Stein), e un altri (si trate di une montagne) te part plui basse di ch'è provincie. Quant a Trebbio o Trebbio (simpri da *trivium*) a'ndi è plui sôr semenzâz vie pe Italie.

Par ch'ò si divertiss a studiâi parsore, us darai culi une note di un pês dai nestris Trep:

Trep Grant, Trep Pizzul, Trep in Cjargne, Trep dongje Cividât,

fûr di Puarte San Pieri (secc. XIV-XVI), Trep tra Mordz e Vilalte (che dal Tresinte e' scrivevin *Trept*), in Trep (Vilestine, 1748), *Sot Trep* (Martignâ e Morietan); «pezzo di terra chiamata la brida del Treppo» (Gnespolât, 1778); «unum campum situm in loco vocato Treplunc» (Nimis, 1431), *Costa di Treppo* (Navarons, sec. XIX), *Gravis di Trep* (taulute militâr di Mania), *Casoli di Trep* (taul. dal Palfar, cum. di Savogno), *Ca' di Trep* (taul. di Buie), *Casa Treppa e Casa Treppo* (taul. di Tarcint), *Là dai Treps* (Magnân), *Treps* (Cisèris), «pezzo di terra detto Treps (Moimans), «un pezzo di terra detto in Treps (Nimis, 1598), *Zatreps* (cum. di Cisèris), forsît lostès che Zatrepi. Di plui, in cumune di Trep Grant al è ançe segnât un *ria Treppo*, che no sai s'al derive dal non dal pais. Par ogni bon cont, 'o zontî ançe che in Friul 'o vin Trep come non di famee: cussî che qualchi non local al varès la so spiegazion dal non dal paron di qualchi brida o di qualchi cjase.

TITE

(1) Curios chest document (Ursinus di Sora, 1570), che mi comuniche il dottor Gaston Peruzzi: «sedime con le sue cose circa d'una zoia (culi si trate di una misura), ... il territorio del Spelgal, a mezzo di una fontana o vero zoia, a sei a monte la via publica».

VITTORIO GASPARET

direttore responsabile

Stampato a Udine - A. Manzoni - Udine

dal FALESCINI spedisti  
MALATIUS DES FEMINIS  
E DE PIEL  
Contrade Scrovedon 6 (tra Piazza  
S. Jacopo e Contrade Zanon)  
10-12,30 - 16-18,30 UDINE

**Il caffè dai fradis Mation  
al è simpri il plui bon  
Gurizze e Udine  
Vie Vitt. Venit 6**

### TINTORIE LAVADURE A SUT COMINO - Udine

Lavatori: Contrade M. S. Michel 7 - tel. 16.52  
Negoz: Rive Bartoline, 7 - tel. 14.19

Qualunque lavôr di pulidure a sut e tinture su piezzamente e vistiz  
Si rimetin a gnûf cjapie di omp - Lavôr ben fat  
Consegna in pœc timp.

### SCARPIS des grandis marcejs

## VIBRAM e DOLOMIT par omp e par femine

Suellis di corean e di gome  
Dut ce ch'al covente pal zujadôrs di balon

## AL CANIN

UDIN - Bors de Puete (Vittorio Veneto) 6 - UDIN

## VOLPE

## Microveture a doi puesc'

Lungjezze	m. 2,50
Largjezze	m. 1,02
Pês	m. 1,50
Careg.	donant m. 0,85
	dâur m. 0,70
Pês	kg. 135
Cilindrade	cc. 124
Motôr di 2 cilindros a a timp	
Cjavai 6 a 5500 zira al minûl	
Velocitât: fin a 70 km. l'ora	
Rivis che si puedin fâ in prim	
me: fin al 25 %	
Consum di carburant: 3 litros	
ogni 100 km.	
Ruedis independentis.	

Cambio a 4 marcejs indevant e muren indâur a presedôr  
Costruide de AERO-CAPRONI di Trent - 'E coste 275.000 fr.

RAPRESENTANT  
par Udine e Gurizze

Rafael Scarton

UDIN Contrade Del Bon - Telef. 593

### Vendite par cont des fabbrichis

## Visitait i plui Grandi' Magazin dal Friul che vendin al presi plui bas

UDIN - Piazze XX Set. za Piazze de Polente

o cjatais dut la piazzamente!

Dut ce ch'al covente pal unviar:

Capôz di lane pure par omp e par femine;  
Vistiz di femine e mudis di omp, di lane pure;  
Capôz pesanz e liêrs bielzâ faz;  
Scarpis di omp e di femine dutis di corean;  
Scarpis di lavôr e par lâ in mont, dutis di corean;  
Cjapie di omp dai plui fins;  
Baretis di omp e di frut;  
Ombrenis par omp e par femine;  
Majs, sujemans, fazzoletons, coltris, cuzzinis di lane, covertôrs, tendis, tapêz, lane in azzis, velôz par cjazzadôrs, cjalzûz, golarinis, tiracjs, jez di lane e di greno, spelae, tele di ogni qualitat.

Coredos par nuvize

Magazins di vendite e Aministrazion

UDIN - Piazze XX Set. za Marcial dai Grans - UDIN